

INSTRUCCIÓN RELATIVAS Á MEMORIA ANUAL DE PRODUTOR

INSTRUCCIÓN XERAIS

Conforme ao establecido no artigo 65 da Lei 7/2022, de 8 de abril, de residuos e solos contaminados para unha economía circular, os produtores de residuos perigosos enviarán unha memoria resumen da información contida no arquivo cronolóxico sobre a actividade de produción de residuos perigosos correspondente ao ano anterior.

Segundo o establecido no artigo 26.2 da Lei 6/2021, de 17 de febreiro, de residuos e solos contaminados de Galicia os produtores de residuos perigosos e os pequenos produtores de residuos que se determinen regulamentariamente (sanitarios), están obrigados a levar o arquivo cronolóxico de xeito telemático a través da plataforma habilitada para ese efecto pola consellería competente en materia de residuos.

¿Quen debe presentar a memoria?

- Todos os produtores de residuos perigosos de máis de 10 t ao ano
- Todos os produtores de residuos perigosos de menos de 10 t ao ano (pequenos produtores)

¿Como se debe presentar a memoria?

Debe cubrir o formulario de memoria anual dispoñible na páxina web <http://sirga.cmati.xunta.es/declaracion-anual-tramites> seguindo as instrucións amosadas a continuación, e presentala **en formato editable** a través da sede electrónica da Xunta de Galicia na páxina web <https://sede.xunta.gal/portada>, escollendo o procedemento **MT201I**.

¿Cal é o prazo de presentación?

- Antes do 1 de marzo do ano posterior respecto ao cal se recolleron os datos.

¿A quen se dirixe?

Dirección Xeral de Calidade Ambiental, Sostibilidade e Cambio Climático
Subdirección Xeral de Residuos
Servizo de Residuos

Normativa aplicable:

- Lei 7/2022, de 8 de abril, de residuos e solos contaminados para unha economía circular
- Lei 6/2021, do 17 de febreiro, de residuos e solos contaminados de Galicia.
- Real Decreto 553/2020, do 2 de xuño, polo que se regula o traslado de residuos no interior do territorio do Estado.
- Decreto 174/2005, do 9 de xuño, polo que se regula o réxime xurídico da produción e xestión de residuos e o Rexistro Xeral de Produtores e Xestores de Residuos de Galicia.

- Decisión 2014/955/UE da Comisión, de 18 de decembro de 2014, pola que se modifica a Decisión 2000/532/CE, sobre a lista de residuos, de conformidade coa Directiva 2008/98/CE do Parlamento Europeo e do Consello.
- Ley 39/2015, do 1 de outubro, do procedemento administrativo común das administracións públicas

INSTRUCCIÓNS PARA CUBRIR A MEMORIA ANUAL DE PRODUTOR

O formulario para a presentación da memoria anual de produtor de residuos componse da portada de datos xerais e do formulario propiamente dito para cada un dos centros de traballo da empresa inscritos como produtores de residuos.

-PORTADA-

DATOS XERAIS

- **Memoria correspondente ao ano:** ano natural ao que se corresponde a memoria presentada. Este será o ano de referencia para o aporte de todos os datos solicitados ao longo da memoria.
- **Data:** data na que se cumprimenta a memoria.
- **Sinatura do representante legal e selo da empresa:** sinatura manuscrita, non se aceptan copias, da persoa que é representante legal da empresa e cuxos datos figurarán no apartado de "Representante da empresa".

ACTIVIDADE QUE DECLARA

Sinalar a actividade que se declara e para cada unha delas:

- **Nº de centros:** número de centros produtores de residuos na Comunidade Autónoma de Galicia pertencentes á empresa produtora.
- **Nº de inscrición:** sinalarase o número de inscrición que a empresa posúe no Rexistro Xeral de Produtores e Xestores de Residuos de Galicia.

DATOS XERAIS DA EMPRESA

- **Razón Social:** denominación da empresa produtora.
- **N.I.F./C.I.F:** número ou código de identificación fiscal da empresa produtora.
- **Domicilio social:** enderezo da razón social da empresa.
- **Código Postal:** código postal da dirección da razón social.
- **Concello:** concello onde está situada a sede da razón social.
- **Provincia:** provincia onde está situada o concello da razón social.
- **Teléfono:** número de teléfono da razón social.
- **Fax:** número de Fax da razón social.
- **Correo electrónico:** enderezo de correo electrónico da razón social.

ENDEREZO A EFECTOS DE NOTIFICACIÓN

Neste apartado describirase o enderezo seleccionado para a notificación con esta Dirección Xeral no caso de ser distinta á da razón social.

PERSOA DE CONTACTO

Neste punto deberán indicarse os datos da persoa coa que a administración deberá poñerse en contacto no caso de que se produzan incidencias ou xurdan dúbidas sobre os datos declarados.

REPRESENTANTE DA EMPRESA

Descríbese neste apartado os datos persoais do representante legal da empresa produtora.

OBSERVACIÓNS ou INCIDENCIAS

Este apartado de campo libre deberá ser utilizado, en caso necesario, para aclarar circunstancias especiais relacionadas cos datos aportados nesta memoria.

-FORMULARIO-

Debe cubrirse copia de dito documento completo (apartados 1-2) para cada un dos centros produtores de residuos declarados na portada de datos xerais e remitilos conxuntamente a esta Dirección Xeral.

1. DATOS DA ACTIVIDADE DE PRODUCCIÓN

Neste apartado cubrirase información sobre os datos xerais do centro de traballo produtor de residuos.

Datos xerais do centro

- **Denominación do centro:** denominación do centro de traballo produtor de residuos.
- **Código C.N.A.E:** actividade do centro segundo o Código Nacional de Actividades Empresariais (CNAE-2009 ou última actualización) publicado polo Instituto Nacional de Estatística.
- **Enderezo:** enderezo do centro de traballo produtor de residuos.
- **Código Postal:** código postal da dirección do centro de traballo produtor de residuos.
- **Concello:** concello onde está situado o centro de traballo produtor de residuos.
- **Provincia:** provincia onde está situado o centro de traballo produtor de residuos.
- **Teléfono:** número de teléfono do centro de traballo produtor de residuos.
- **Fax:** número de Fax do centro de traballo produtor de residuos.

2. SAÍDAS DE RESIDUOS

Os produtores de residuos perigosos e os pequenos produtores de residuos perigosos sanitarios, cando produzan residuos en instalacións situadas no territorio da Comunidade Autónoma de Galicia, están obrigados a levar, conforme o establecido no artigo 26 da Lei 6/2021, do 17 de febreiro, de residuos e solos contaminados de Galicia o arquivo cronolóxico de xeito telemático a través da plataforma habilitada para ese efecto pola consellería competente en materia de residuos, salvo que acrediten motivadamente que non concorren neles os supostos do artigo 14 Lei 39/2015, de 1 de outubro, de acceso electrónico dos cidadáns aos servizos públicos.

Estas empresas deben revisar o contido do seu arquivo cronolóxico e asinar o seguinte texto sinalando afirmativamente o/s parágrafo/s correspondente/s.

D./Dna. _____, como representante legal da empresa, declaro

Na produción de residuos perigosos de máis de 10 t

*Que, conforme ao establecido no artigo 64 da Lei 7/2022, de 8 de abril, de residuos e solos contaminados para unha economía circular e no artigo 26 da Lei 6/2021, de 17 de febreiro, de residuos e solos contaminados de Galicia, as anotacións de saídas de residuos do **Arquivo Cronolóxico** da empresa*

dispoñible na Plataforma Galega de Información Ambiental eResiduos (GaIA), **correspóndense coas saídas reais derivadas da actividade de produción de residuos perigosos de máis de 10 t neste centro de traballo durante o ano da presente memoria.**

Na produción de residuos perigosos de menos de 10 t de residuos sanitarios

Que, conforme ao establecido no artigo 64 da Lei 7/2022, de 8 de abril, de residuos e solos contaminados para unha economía circular e no artigo 26 da Lei 6/2021, de 17 de febreiro, de residuos e solos contaminados de Galicia, as anotacións de saídas de residuos do **Arquivo Cronolóxico** da empresa dispoñible na Plataforma Galega de Información Ambiental eResiduos (GaIA), **correspóndense coas saídas reais derivadas da actividade de produción de residuos perigosos de menos de 10 t de residuos sanitarios neste centro de traballo durante o ano da presente memoria.**

Para que así conste asino a presente aos efectos oportunos.

Sinatura

_____ de _____ do 202_

Os produtores de residuos perigosos de menos de 10 t (pequenos produtores) que, non estando obrigados, leven de forma voluntaria o arquivo cronolóxico telemático da empresa dispoñible na Plataforma Galega de Información Ambiental eResiduos (GaIA), deben revisar o contido do seu arquivo cronolóxico e marcar o seguinte texto sinalando afirmativamente o parágrafo correspondente.

Na produción de residuos perigosos de menos de 10 t de residuos

Que, conforme ao establecido no artigo 64 da Lei 7/2022, de 8 de abril, de residuos e solos contaminados para unha economía circular e no artigo 26 da Lei 6/2021, de 17 de febreiro, de residuos e solos contaminados de Galicia, as anotacións de saídas de residuos do **Arquivo Cronolóxico** da empresa dispoñible na Plataforma Galega de Información Ambiental eResiduos (GaIA), **correspóndense coas saídas reais derivadas da actividade de produción de residuos perigosos de menos de 10 t de residuos neste centro de traballo durante o ano da presente memoria.**

No caso contrario, non utilización do arquivo cronolóxico telemático ou só rexistrados en parte, debe cubrirse copia deste cadro para cada un dos residuos enviados a un xestor durante o ano que se informa, incluíndo os seguintes datos:

- **Código LER:** código de seis díxitos segundo a Decisión da Comisión 2000/532/CE de 3 de maio de 2000, sobre a lista de residuos (LER), modificada pola Decisión 2014/955/UE.
- **Descrición do residuo:** descrición o máis sinxela e precisa posible do residuo producido.
- **Xestor de destino:** deben cubrirse os datos sobre o xestor de destino dos residuos xestionados externamente. Os campos concello e provincia deben indicar o centro de traballo dese xestor de destino, non da razón social.
- **Tipo de tratamento (D/R):** indicarse neste apartado a que tipo de tratamento se destinou o residuo, codificando este segundo o Anexo II e III da Lei 7/2022, do 8 de abril, de residuos e solos contaminados para unha economía circular.

Exemplo.-

Código LER:	130205*	Descrición do residuo:	Aceites usados		
XESTOR DE DESTINO					
Razón social	N.I.F./ C.I.F.	Concello	Provincia	Tipo de tratamento (D/R)	Cantidade ENTREGADA (toneladas)
Aceites SL	B-99999999	Caldas de Reis	Pontevedra	R05	9
CANTIDAD TOTAL (Toneladas):					9